

ձեւում. ոտքերի ծայրերը՝ անդեկ նաւահների նման՝ մէկը միւսին են բախում եւ չնչին քարերի առջեւ ուժասպառ կանգ առնում:

Մ'ԼՖ...աները պարում են, Նորքը պիւքի նման բարձրանում է, մարդկային մարմնի ոտկորների թիւը կորել է, մանրէների սեւ վոճմահները դրոճ են տալիս ստամոքսի դէմ, աչքերի մէջ դիշեր է նստում:

Լեզուարանական պրոֆեսորը, որ Պարսկաստանից բերած համեմներով բաստրմա է շինել եւ փողոցի պատշգամից կախ արել, ախորժակը միանգամից կորցրել է: Սիրտը կուրծքի տակ երերում է թելից կախուած կտոր մսի նման: Աչքերը մորթուել են: Օմար-Խայամի քառակը ծով է դարձել ու Խորենացու եւ Եգնիկի բառերը մէջը սուզուել են, անտեսանելի ձուկերի նման: Մտածում է՝ ոչինչ չի հասկանում: Պանիր հացը ծամելու ժամանակ, միաքը ճնճուկի նման հեռանում է եւ բերանը՝ սեւցած ստամների մէջ՝ քանդուած բոյնի նման բաց է մնում:

Դպրոցների մանր մուներ ուսուցիչները մէկը միւսից ժպտա են փոխ առնում, երկու քայլ յետոյ իրենց դրպանը դնում եւ մտազբաղ՝ շրթթունքները կրծստում: Նստում են ու վեր կենում: Անհանգիստ շարժումներ են անում ու յանկարծ վազում են: Դռներ են բախում: Աչքերի մէջ փոշի ընկած նայուածքով, թարթիչները ձայնի հետ դողդղացնելով, աննշան կուսակցականներին բոցավառ հարցեր են տալիս, իրր թէ այնպէս, հետաքրքրութեան համար: Բնական է, մաքրել պէտք է... Խորհրդային շինարարութեան համար մաս'աքուր մարդիկ պէտք են... ինքը վախ չունի, լոյսը ծառայել է, սակայն եւ այնպէս...

Աննշան կուսակցականը՝ սո՛ այդ սրիկան, որ երէկ...անձրեւ սպառնացող ամպի նման, մտազբաղ եւ խիստ կերպարանք է առնում, աչքերը պատին տալիս, խորհրդաւոր բառեր արտասանում եւ բարեացակամ՝

— Մի բան կ'անենք...տեսնենք:  
Տեսնենք:

Գիշերը անկողինների վերմակները տեղից չեն շարժում, մարմինները կուչ են եկել զբսպրւած հառաչների հետ: Մեծ խոնկոցները դադարել են. շնչառութիւնները դալարում են

թոքերի վերը, աւելի կոկորդին մօտ: Ու այդ պատճառով, ուղեղների մէջ երազը բոյներ է քանդում, ահաւոր տեսարաններ պարզում, դժոխքներ զետեղում ու ման դալիս անկարելի աշխարհներում:

Յորեկը՝ հազիւ ջերմոտ շրթունքները սեղմում են դլանակի փոփանքը՝ կեանքը ներս է մտնում մարմնի ծակոտիքներէն կծու քացալի նման: Արջի մի թաթ շփում է մորթը:

Փչացած ձէթ եւ կամֆոր:  
Մկանուները ճեղքում են: Աւրուած մղանակի պէս, դաստակը ցցում է դէպի անորոշը: Խուլ մի ցաւ պայթեցնում է իր երակը եւ մարդկային էութիւնը դուր է գալիս հրկիզուած մեյամաղձութեան մի աշխարհում:

Վախը՝ ոստայնի մէջ բանտարկուած մըժեղ՝ ոտքերը գալարում է օդի մէջ եւ պատած թեւը դէմ տալիս վտանգին:

Կինը, մայրը կամ քոյրը՝ վշտի շուրջը սլալտող ուրուականների նման՝ զգուշօրէն թէյի բաժակը դնում են առջեւը: Մեքենաբար զգաւրը խոռնում է, ոտքը ոտքի վրայ խաղացնում ու առանց խմելու, յանկարծ զլխարկը առնում, դուրս նետում:

Կինը, մայրը կամ քոյրը շուքի նման երկարում են դրան մօտ ու ձեռքերը զլխների նտանում:

\* \* \*

Երկու օրից ի վեր ամէն ինչ փոխուել է: Երեւանի բնակիչները բաժանուել են դատաւորների եւ դատուողների:

Դուրս են մնացել վաճառականները: Վերջապէս, շունչ են քաշում: Մաղձից դեղնած դէմքերով, նրանք ծածկում են իրենց զսպուած առելութիւնը մանր մուներ ապրանքների առատ փոշիների տակ եւ ցած ձայնով մեկնաբանում են օրուան դէպքերը: «Թո՛ղ մի քիչ էլ մտաւորականները տեսնեն, թէ սովետական դրախտը ինչ ա, մեծ մեծ խօսում են»...

Կ. Կէնի շէնքի առջեւ, ընկերների կարեւորութիւն առած ազուաւային երամբ շարժումի մէջ է: Ներս, դուրս: Վեր, վար: Թղթեր, ժողովներ, որոշումներ: Հազիւ պատասխանում են բարեւներին:

Տղեղ, կեղտոտ, վիթուկ մանչու ձեւերով ընկերուհիները անդադար ծխում են, կտորը-